

**Jamg'arma omonati bo'yicha
- sonli shartnoma
(milliy valyutada)**

_____ shahri « » _____ 202__ yil

Keyingi matnda «**Bank**» deb yuritiladigan «**InfinBank**» **AJ** nomidan _____ asosida harakat qiluvchi _____ bir tomondan, va keyingi matnda «**Omonatchi**» deb yuritiladigan _____ nomidan _____ asosida harakat qiluvchi _____, ikkinchi tomondan, keyingi o'rinlarda birgalikda «**Tomonlar**» deb ataluvchi subyektlar quyidagilar to'g'risida ushbu shartnomani tuzdilar.

1. SHARTNOMA PREDMETI

1.1. Bank Omonatchi uchun jamg'arma depozitini ochadi, unga Omonatchi omonatning minimal qoldig'i bo'lgan kamida 1 000 000,00 (Bir million) so'm miqdorida o'ziga tegishli mablag'larni (keyingi o'rinlarda "Omonat" deb yuritiladi) o'tkazadi. Shartnoma muddati _____ gacha.
1.2. Ushbu shartnoma Omonatchi yoki Bankning tashabbusi bilan, tashabbuskor taraf boshqa tomonni 30 kun oldin ogohlantirgan holda muddatidan oldin bekor qilinishi mumkin. Bunday holda, ushbu Depozit shartnomasining 2.2-bandida ko'rsatilgan foiz stavkasi o'zgarishsiz qoladi.

2. OMONATNI QO'YISH SHARTLARI

2.1. Omonatga badallar Omonatchi tomonidan milliy valyutada – so'mda, naqd pulsiz shaklda _____ hisob raqamiga kiritiladi.
2.2. Omonat summasi bo'yicha foizlar amaldagi qonunchilikka muvofiq hisoblanadi. Bank Omonatning haqiqiy qoldig'i bo'yicha har kuni yillik _____% (_____ foiz) stavkada, yillik bazaviy davr 365 kunni tashkil etgan holda foizlarni hisoblab chiqadi. Omonat bo'yicha foizlar har oy tegishli oyning oxirgi ish kunida Bank tomonidan to'lanadi va Omonatchining Bankda ochilgan talab qilib olinguncha depozit hisobvarag'iga o'tkaziladi.
2.3. Omonatchi pul mablag'larini to'liq yoki qisman muddatidan avval talab qilishi mumkin, bunday holatda ushbu Omonat shartnomasining 2.2-bandida belgilangan foiz stavkasi saqlanib qoladi.
2.4. Ushbu Shartnomaning 2.2-bandida belgilangan foiz stavkasi, hisobvara q bo'yicha pul mablag'lari harakatidan qat'i nazar, Shartnoma amal qilish muddati davomida o'zgarmas bo'lib qoladi.

3. TOMONLARNING HUQUQLARI VA MAJBURIYATLARI

3.1. Omonatchining huquqlari:

3.1.1. Ushbu shartnomaning amal qilish muddati davomida cheklanmagan miqdordagi mablag'ni kiritish;
3.1.2. Omonat summasini talab qilish;
3.1.3. Omonat bo'yicha ushbu shartnomaning 2-bo'limida ko'zda tutilgan shartlar va miqdor bo'yicha hisoblangan foizlarni olish;
3.1.4. Shartnomani bekor qilish va unda ko'zda tutilgan shartlarga muvofiq omonat summasini qaytarishni talab qilish.

3.2. Bank huquqlari:

3.2.1. O'z funksiyalaridan kelib chiquvchi maqsadlarning bajarilishini ta'minlash uchun Omonatchining pul mablag'laridan foydalanish;

3.2.2. bir tomonlama tartibda, Omonatchining qo‘shimcha roziligini olmasdan, qaytarish sanasidan kamida 1 (bir) ish kuni oldin Omonatchini oldindan yozma ravishda xabardor qilgan holda tegishli summani Omonatchining hisobvarag‘iga o‘tkazish orqali Omonatni Omonatchiga to‘liq yoki qisman muddatidan oldin qaytarish. Bankning tashabbusi bilan Omonat muddatidan oldin qaytarilganda, muddatidan oldin qaytariladigan Omonat summasiga foizlar ushbu Shartnomaning 2.2-bandida belgilangan foiz stavkasidan kelib chiqqan holda, pul mablag‘lari Omonatda bo‘lgan butun haqiqiy davr uchun hisoblanadi va to‘lanadi. Bank tashabbusi bilan Omonatni muddatidan oldin qaytarish Bankning Omonatchiga jarimalar, neustoykalar, zararlar yoki boshqa kompensatsiyalar to‘lash majburiyatini keltirib chiqarmaydi, omonatga hisoblangan foizlar bundan mustasno.

3.2.3. Omonatchining qo‘shimcha rozilgisiz Omonatga qo‘yilgan pul mablag‘larini Omonatchining har qanday tuzilgan shartnomalar bo‘yicha Bank oldidagi har qanday majburiyatlarini bajarish hisobiga hisobga olish.

3.3. Omonatchining majburiyatlari:

3.3.1. Mazkur shartnomada ko‘zda tutilgan shartlar bo‘yicha Omonatni qo‘yish;

3.3.2. Ushbu shartnomadagi keltirilgan shartlarga amal qilish.

3.4. Bankning majburiyatlari:

3.4.1. Bank sirini saqlash. Omonatchining hisoblariga oid axborotlar faqatgina O‘zbekiston Respublikasining amaldagi qonunchiligida ko‘zda tutilgan holatlardagina uchinchi shaxslarga taqdim etilishi mumkin.

3.4.2. Omonatchining hisob raqamiga foizlarni o‘z vaqtida o‘tkazish;

3.4.3. Omonatchidan olingan pul mablag‘lari yoki uning talab qilingan qismining qaytarilishini, shuningdek, mazkur shartnomaning 2.2-bandida kelishilgan stavka bo‘yicha unga doir foizlarni O‘zbekiston Respublikasi qonunchiligida ko‘zda tutilgan muddat ichida Omonatchining yozma xabarnomasiga asosan to‘lanishini ta‘minlash.

4. TOMONLARNING JAVOBGARLIGI

4.1. Ushbu shartnomaning 3.4.2., 3.4.3-bandlarida ko‘zda tutilgan majburiyatlarning buzilganligi uchun Bank Omonatchiga har bir kechiktirilgan qarzdorlik kun uchun to‘lov summasidan 0,001%, lekin kechiktirilgan qarzdorlikning 2% dan ortiq bo‘lmagan miqdorda penya to‘laydi. Penya to‘lanishidan qat‘i nazar, Bank Omonatchi bilan to‘liq hisob-kitob qilmaguncha, ushbu shartnomada ko‘zda tutilgan majburiyatlarning bajarilishidan ozod etilmaydi.

4.2. Omonatchi Bankda pul mablag‘larining qonuniy joylashtirilishi uchun to‘liq javobgar hisoblanadi.

4.3. Agar ushbu shartnomada keltirilgan shartnolarning munosib ijro etilishiga bartaraf etib bo‘lmas kuch, ya‘ni joriy vaziyatda favqulodda va qaytarib bo‘lmas hodisalar to‘sqinlik qilgan bo‘lsa, Tomonlar ushbu shartnomada belgilangan majburiyatlarni to‘liq yoki qisman bajarmaslik uchun ko‘zda tutilgan javobgarlikdan ozod qilinadilar.

4.4. Bankning javobgarligi haqiqatda joylashtirilgan Omonat va hisoblangan foizlar miqdori bilan cheklanadi. Bank Omonatchining bilvosita zararlari va boy berilgan foydasi uchun javobgar bo‘lmaydi.

5. QO‘SHIMCHA SHARTLAR

5.1 Ushbu Shartnoma Omonatchi tomonidan omonat summasi Bankka joylashtirilgan paytdan boshlab kuchga kiradi va ushbu Shartnomaning 1.1-bandida belgilangan muddat davomida amal qiladi. Bunda, ushbu Shartnomaning 1.1-bandida ko‘rsatilgan muddat tugagan va Omonatchi tomonidan Omonat hamda u bo‘yicha hisoblangan foizlar talab qilinmagan taqdirda, muddati o‘tgan Omonat talab qilib olinguncha saqlanadigan hisobvaraqa o‘tkaziladi va ular bo‘yicha talab qilib olinguncha saqlanadigan hisobvaraqa shartlari asosida foizlar hisoblanadi.

5.2. Ushbu shartnomani imzolash paytida Omonatchi omonat muddati tugashi, shu bilan birga, Bank tomonidan unga Omonatning butun summasi qaytarilishi bilan mazkur shartnomani bekor qilish va omonat hisobini yopish zaruratining mavjudligini e‘tirof etadi.

5.3. Ushbu shartnomaga doir barcha o'zgartirish va ko'shimchalar agar ular yozma shaklda tuzilgan va Tomonlarning vakolatli vakillari tomonidan imzolangan taqdirda haqiqiy hisoblanadi.

5.4. Mazkur Shartnoma yoki u munosabati bilan kelib chiqishi mumkin bo'lgan barcha nizolarni tomonlar muzokaralar yo'li bilan hal qilishga harakat qiladilar. Agar tomonlar kelishuvga erishmasa, ular o'rtasidagi nizo:

- yo Bank joylashgan joydagi sudda (ushbu Shartnomaning "Tomonlarning yuridik manzili" bo'limida ko'rsatilgan manzil bo'yicha);
- yoki O'zbekiston Respublikasi Savdo-sanoat palatasi va uning hududiy boshqarmalari huzuridagi hakamlik sudida;
- yoki O'zbekiston Hakamlik sudlari assotsiatsiyasi va uning hududiy filiallari huzuridagi hakamlik sudida hal etiladi.

5.5. O'zbekiston Respublikasining "Banklardagi omonatlarni himoya qilish kafolatlari to'g'risida"gi Qonuni (O'RQ-1031-son, 18.02.2025y.)ga muvofiq yuridik shaxslarning/yakka tartibdagi tadbirkorlarning omonatlari kafolatlash obyektlari hisoblanadi. Kafolatli holat yuzaga kelganda Omonatchi Qonunda belgilangan miqdorda kompensatsiya olish huquqiga ega:

- kafolatlash obyekti qoldig'ining to'liq hajmini, agar uning miqdori ikki yuz million so'm yoki undan kam bo'lsa;
- ikki yuz million so'mni, agar kafolatlash obyektining qoldig'i ikki yuz million so'mdan ko'p bo'lsa.

Quyidagilar kafolatlash obyekti bo'lmaydi:

- banklarning, nobank kredit tashkilotlarining, lizing tashkilotlarining, sug'urta tashkilotlarining, investitsiya va pay fondlarining, shuningdek O'zbekiston Respublikasining yoki chet davlat vakolatli organining tegishli litsenziyasiga yoki ruxsatiga asosan faoliyat yuritayotgan yoxud faoliyatini vakolatli organlarni xabardor qilish tartibida amalga oshirayotgan boshqa moliya tashkilotlarining omonatlari;
- davlat tashkilotlari va korxonalarining, shuningdek O'zbekiston Respublikasining yoki chet davlatning davlat organlari omonatlari.

5.6. Omonatchi tomonidan Omonat bo'yicha olingan foiz daromadlarini soliqqa tortish ishlari O'zbekiston Respublikasining amaldagi qonunchiligiga muvofiq bajariladi.

5.7. Ushbu shartnoma 2 ta nusxada, ya'ni har bir tomon uchun teng huquqiy kuchga ega bo'lgan bittadan nusxada tuzilgan. Bunda Tomonlar bir-biriga ushbu shartnomani tuzish va imzolash uchun barcha vakolatlarga ega ekanliklarini bildiradilar va kafolatlaydilar.

6. TOMONLARNI YURIDIK MANZILLARI VA REKVIZITLARI:

BANK

«InFinBank» AJ

Manzil: _____

h/r: _____

MFO: _____

STIR: _____

Telefon: (____) _____

(imzo)

M.O'.

OMONATCHI

«_____»

Manzil: _____

h/r: _____

MFO: _____

STIR: _____

Telefon: (____) _____

(imzo)

M.O'.